

ئازادیا راستی چیه؟

زه‌لال بی. نوکه ئه‌م سوپاسیا خودی دکن، عه‌مه‌لیات سه‌رکه‌فت و بابی من قه‌نج بی. و وه‌ختی ژ په‌نجی رابی، یاری گه‌ل سستهر و مزه‌مدا! ☺

ئه‌ولی من و مالا خو باوهر دکر بابی من دی مرت یان دا ب سه‌حه‌تا خراب ژیت. به‌لی مه‌ بو وی دوعا کرو ب چاکی و دلوقانی یا خودی و ب ده‌ستیت دختورا، خودی دیاریت سه‌حه‌تا باش و ئازادیی دا بابی من قه‌. و ده‌می نیزیکی ئه‌و جاره‌ک دی دی شیت خزمه‌تا مروفا بکت و کاری خو بکت و بزافا خو بزق‌ته‌قه‌. ☺

ژیانا ته‌ وه‌ک زروفی یا بابی من. ل سالا 1991 دیاریا ئازادیا سیاسه‌تی بو وه‌ هاته‌ دان و حه‌تا نوکه هین د وی ئازادیی دانه. هین سیسته‌ما زانیی یی دگهورن. وه‌ ئنته‌رنه‌ت و موبایل ئینان باژیر و گوندیت خو. خویندکاریت وه‌ چوون ده‌رقه‌ی وه‌لاتی دا بخوینن. هنده‌ک ژ مالیت وه‌ یان مروفتیت وه‌ مهاجر بین ده‌رقه‌ی وه‌لاتی و تاما دیموکراسیا وه‌لاتیت روژا‌فا کر. به‌لی، هنده‌ک ژ وه‌ جنسییت وان وه‌لاتا بو خو وه‌رگرتن.

هین ئازادیی ب چه‌ند شکلا هاتن دان. کا ئه‌م ب وی ئازادیا خودی دای مه‌ چاوا کار پی‌ تینن؟ بو ئارمانجه‌کا باش، ئانژی ئارمانجه‌کا خراب؟

بینه‌ بیرا خو - «ئه‌و که‌سی گه‌له‌ک وه‌رگرتی دی گه‌له‌ک ژ ی ئیته‌ خواستن، به‌لی یی گه‌له‌ک زیره‌ک و وه‌رگرتی ل ده‌ف به‌ت دانان دی پتر ژ ی ئیته‌ خواستن.»

- عیسا، مه‌زگینیا لوقای 12:48b

بابی من مروقه‌کی «خوی» و «روناهی» یه‌. هه‌ر ده‌م ئه‌و حه‌ش خودی دکت و خزمه‌تا خه‌لکی دای یه‌. ئه‌و گوئی خو دده‌ته‌ فه‌رمانیت خودی و وان نیشا مه‌ (بچیکیت وی). ژیان و په‌یقیت وی نیشا مه‌ دت چ ل دلی وی بی. روژه‌کی وه‌ختی ئه‌و دمرت و دچته‌ به‌هشتا خودی، چیکر و دادکاری وی دی بیژت وی، «ته‌ کاره‌ک باش کری یه‌، ئه‌ی خولامی قه‌نج.»

د ده‌می نفیساندنا قی ژمارا «ژین»، ته‌نگافیه‌ک هات مالا من چی بی - ژ نشکه‌ کیقه‌ و گه‌له‌ک زی سه‌حه‌تا بابی من خراب بی. ده‌ست و پی وی ییت راستی نیف شه‌له‌لی گرتن و ئاخفتنا وی و هزرا وی نه‌ زه‌لال بین. مه‌ گوت به‌لکی جه‌لتا مه‌ژی هه‌یه‌ و مه‌ باوهر کر ئه‌و هیئش دی نه‌خوشر بت. ته‌مه‌نی بابی من 69 ساله‌، به‌س ته‌بیعی گه‌له‌ک ب قزووت بی و زیره‌ک بی و سه‌حه‌تا وی باش بی. ل وی ده‌می وی نه‌شیا تمبیلی به‌اژوت، نه‌شیا شول بکت و نه‌شیا باش بئاخفت. وی نه‌شیا خزمه‌تا خه‌لکی بکت، به‌لی مروفتیت وی و هه‌قالیت وی پی‌تقی بین خزمه‌تا وی بکن. چونکو به‌هرا پتر ژ ئازادیا وی نه‌ما. ده‌یک و بابیت من چوون ده‌ف ریبه‌ریت دیرا خو. ریبه‌را دوعا بو قانجبوونا بابی من ب نافی دختوری مه‌زن (عیسای) مه‌سیح) کر.

دوماهیکی ده‌یکا من بابی من بر خه‌ستی و دختورا بریار دان عه‌مه‌لیاتا مه‌ژی بو بابی من بکن. وه‌ دیاره‌ ژ به‌ری دوو هه‌یقا ب خه‌له‌تی‌قه‌ ل تشته‌کی ره‌ق حی‌ل سهری خو دا و دژورقه‌ بری حه‌تا خوین ده‌ه ژ سه‌دا مه‌ژی وی گریدا. و ژ به‌ر هندی ده‌ست و پی وی ییت راستی شه‌له‌ل گرتن و ئاخفتنا وی نه‌